



Gabinete Wever - Croes II

ISLAONLINE

Noticia di Gobierno

2023

Diaranson 31 Mei 2023

Email: IslaOnline@gobierno.aw Tel: 528-4952

2023
AÑA DI



UNION
Y POSITIVISMO!



@IslaOnline2023



Premier Evelyn Wever - Croes na inicio di WE 2023:

"BO TA MIDI PROGRESO DI UN PAIS ORA BO MIRA SU MUCHANAN TA PROGRESA"

Hopi exito na tur cu ta participa

Diabierna a tuma luga e ceremonia oficial di inicio di Weganan Escolar (WE) 2023. Prome Minister Evelyn Wever - Croes a hiba palabra na e ocasion yamando tur esnan presente bon bini y deseando tur cu ta participa exito. Entre e invitadonan presente tabata Presidente di Parlamento Edgar Vrolijk, miembronan di Parlamento di Aruba, Minister di Deporte Endy Croes y grupo grandi di muchanan hunto cu nan famianan. Premier Wever - Croes a haci uzo di e oportunidad pa elogia Minister Croes pa su compromiso y trabou duro pa tin continuacion di e WE.

Prome Minister Evelyn Wever - Croes a expresa cu na Aruba hopi biaha ta bon den organisa y cuminsa cu un evento, sinembargo ora cu ta bin na continuacion di esakinan, sa mira retonan. Aña pasa despues di basta tempo tabatin apertura di Weganan Escolar y na e ocasion Minister di Deporte Endy Croes a priminti cu ta bay sigui cu e Weganan Escolar. Awe hunto cu henter e ekipo conhuntamente cu maestro/a nan y tambe scolnan, ta cumpliendo cu nos muchanan y dunando continuacion na Weganan Escolar. Prome Minister Wever - Croes den nomber di Gobierno di Aruba ta gradici cada un persona cu ta haci esaki posibel.

"Cada biaha cu mi hiba un discurso y mi bisa cu Aruba ta den recuperacion pasobra economia ta bay bon, turismo ta bay bon, finanza ta bayendo mihor y desempleo ta bahando ta berdad. Pero, bo ta midi progreso di un pais ora bo mira su muchanan ta progresa y nos muchanan ta progresa mas a traves di deporte. Gobierno di Aruba por haci apenas un parti di e trabou, ta danki na trabou duro di mayornan, hobennan, docentenan, Parlamentarionan, y tur e lidernan den diferente actividad deportivo cu ta haci esaki posibel."

Premier Wever - Croes a gradici tur cu ta contribui na progreso di muchanan, especialmente Minister Endy Croes kende ta un persona determina y awe nos tur por gosa di e esfuersonan haci. Ohala cu e weganen aki ta hopi exitoso pa cada un cu ta participa y ohala cu tin continuacion di Weganan Escolar pa hopi tempo mas. Hopi exito pabien y masha danki, Prome Minister Wever - Croes a termina bisando.



Prome Minister Evelyn Wever-Croes:

PROME MINISTER TA INVITA MUCHANAN DI SCOL BASICO PA TA 'PERIODISTA PA UN DIA'




En conexion cu Dia di Prensa, y mirando e exito di e prome edicion di 'Periodista pa un Dia' na aña 2021, Ministerio di Asuntonan General a dicidi di organisa e di dos edicion di evento aki e aña aki tambe. 'Periodista pa un Dia' ta un proyecto importante pa stimula nos muchanan pa un posibel profesion den periodismo.

E aña aki, un biaha mas lo enfoca riba nos muchanan di scol basico, ofreciendo nan e oportunidad pa cera conoci di un manera practico kico ta e trabou di un periodista. E proyecto lo inicia na Juni y lo ta riba cada diabierna, na unda 4 mucha lo wordo invita na bestuurskantoor pa por haci nan preguntanan na Prome Minister. E ultimo dia di e conferencia di prensa hubenil edicion#2, lo trece tur e 20 muchanan hunto pa asina haya un rondleiding na TeleAruba.

Pa esnan cu ta interesa pa aplica pa participa na e proyecto 'Periodista pa un Dia', por bay na e link:

<https://forms.office.com/r/kXrNkVcebg> y yena nan informacion y preguntanan cu nan ta haya interesante pa puntra Prome Minister. E alumnonan cu a wordo selecta lo ricibi un e-mail di confirmacion.




CONFERENCIA DI PRENSA HUBENIL

PERIODISTA PA UN DIA


Bo kier ta un Periodista pa un dia?

y haci bo pregunta na Minister President personalmente?


Si esaki ta algo cu bo ta haya great, skirbi aki bou cua ta e 3 preguntanan cu ABO lo kier puntra sra. Evelyn Wever-Croes



1



2



3

Durante luna di juni, cada diabierna 4 mucha lo wordo invita na Bestuurskantoor pa por haci nan preguntanan na Prome Minister. Cada siman, un periodista lo papia cu e muchanan tocante e trabou di periodismo. Dia 7 di juli lo trece tur e 20 muchanan hunto pa e ultimo conferencia di prensa hubenil, edicion #2.

Scol:

Klas:

Number:

Edad:

Pa participa, yena e formulario riba e link:

Ban yuda nos muchanan descubri e periodista den nan y bira 'Periodista pa un Dia'. Asina nan ta haya un oportunidad unico pa cera conoci cu Prome Minister di nos pais y haci preguntanan na e mandatario den e sala di conferencia di Gobierno di Aruba durante e di dos edicion di Conferencia di Prensa Hubenil na Bestuurskantoor.



Ursell Arends
MINISTER

ESFUERSONAN PA AUMENTA SIGURIDAD DI ALIMENTACION DEN REINO HULANDES

Dutch Caribbean Agro Visioning Process

Santa Rosa y Minister di Naturalesa, Sr. Ursell Arends ta liderando un iniciativa pa promove e potencial di sector primario na Aruba y mehora seguridad di alimentacion den Reino Hulandes. Como parti di e esfuerso aki ta organisa e conferencia Dutch Caribbean Agro Visioning Process, uniendo Gobernantenan di hermana islanan Corsou, Boneiro, Saba, St. Eustasius y St. Maarten. E evento tin como meta pa fortifica lasonan y crea un plan concreto pa cooperacion den e sector primario.

E conferencia agricola lo toca diferente tema entre otro miho practicanan, posibilidadnan financiero pa sostene agricultornan, evaluacion di maneho existente y esfuersonan pa inculca balor pa agricultura, pa medio di programa escolar cerca nos muchanan. Door di comparti experiencianan y conocimiento, e dignitarionan y participantenan ta busca strategianan innovativo pa duna sector primario un empuhe.

E Ministernan y representantenan bishitando Aruba lo haya un recorido di varios proyecto di sector primario. Esaki ta inclui un bishita na e proyecto escolar di agroforestry na Prinses Amalia Basisschool, cria di cabrito y apicultura, esta cuida di abeha. Ademas, lo haya e oportunidad di conoce tecnica innovativo di hidroponico y introduccion di especie hibrido di pitaya.

E conferencia lo culmina dia 2 di juni 2023 cu un acuerdo pa e implementacion di un plan di accion pa cooperacion entre e islanan den Reino, cu un enfasis riba seguridad di alimentacion. E acuerdo lo sirbi como un guia pa futuro esfuersonan den cada Pais pero tambe pa colaboracion entre islanan.

Aunke e evento ta limita pa dignitarionan y representantenan, e resultadonan di e conferencia lo ser presenta y discuti cu cunukeronan y stakeholders local. Den e manera aki por haya e punto di bista di agricultornan, segurando cu esfuersonan colectivo ta alinea cu e necesidadnan di e sector primario y tumando decisionnan inclusivo. Hunto por tin crecemento pa medio di colaboracion.

Minister Ursell Arends ta extende su gratitud na Santa Rosa pa e coordinacion di e conferencia pa asina promove e futuro di agricultura na Aruba.



SPEECH MINISTER URSELL ARENDS AT THE DUTCH CARIBBEAN AGRICULTURE VISIONING PROCESS CONFERENCE



It is an honor to stand before you today at this Dutch Caribbean Agriculture Visioning Conference. I am delighted to see the collective willingness of our sister islands and our partners to come together for the benefit of our people. Today, we have the opportunity to discuss and shape the future of our primary sector, which holds immense importance for our socioeconomic structure.

We are all aware of the challenges we face as islands being fully dependent on imports, leaving us vulnerable to external influences beyond our control. The economic upheaval and increased cost of living in recent years have sparked a vital conversation about the significance of food security.

During my first year in office, I have actively observed and taken note of the challenges and opportunities our primary sector faces. Aruba, being the most arid island in the Caribbean, must innovate to overcome the lack of fertile soil and water. Local producers are exploring various avenues such as hydroponics, agroforestry, and new breeding techniques to adapt and thrive in these conditions.

But let us remember that agriculture is not the sole path towards achieving higher levels of food security. Aruba is also working towards creating sustainable fisheries by introducing laws and regulations that benefit both artisanal fishermen and spear fishers.

Additionally, we have plans to introduce the local GAP certification program to ensure quality control by implementing standards and guidelines for local farmers, ensuring the production of safe and high-quality agricultural products.

Lack of knowledge and funding have been identified as an obstacle to the establishment of a thriving agricultural sector. Thus, in collaboration with my colleague, Minister Geoffrey Wever of Economic Affairs and Sustainable Development, we have partnered up with private sector initiatives to provide support. The Agri-Business Academy was established as a way for farmers to learn skills in business and financial planning. The Agri-Fund is another collaborative effort with Qredits Aruba, offering individual loans ranging from 5,000 to 200,000 florins at a reduced interest rate of 2%. By investing in our primary sector, we aim to foster growth, create opportunities, and ensure a prosperous future for our communities.

The previous iteration of the Dutch Caribbean Agro Visioning Process in October 2022 in Curacao, revealed that we all face similar challenges, and as sister islands, we can achieve our common goals by standing together. It is through collaboration, knowledge sharing, and leveraging expertise from industry experts, academia, civil society, and international organizations that we will overcome the obstacles ahead and seize the opportunities presented by a rapidly changing world.

Today, I am pleased to share with you the progress we have made towards finalizing the policy note for the primary sector for the years 2023-2028. This document will serve as a guide to our collective vision and mission, which are centered around the principles of sustainability, innovation, and inclusivity. While we have made significant strides in shaping our policy, we recognize the importance

of engaging with stakeholders and incorporating their valuable input. We believe in sitting together and actively listening to the perspectives of key actors.

Our commitment to adaptability is unwavering. We acknowledge that the landscape of agriculture is ever-evolving, and we must remain open to new ideas and approaches. That is why, through this conference, we have come together to learn from each other, exchange best practices, and draw inspiration from successful initiatives implemented elsewhere so we can strengthen our own policies and actions. As we continue the finalization process of the policy, we are mindful of the importance of having a concrete vision.

The Ministry of Nature's commitment to inclusivity extends to involving farmers, food producers, consumers, and stakeholders in transparent and participatory decision-making processes.

Together, we are paving the way for a stronger agricultural sector that will play a vital role in our economy, ensuring the provision of essential food for our islands.

In conclusion, I invite each and everyone of you to join us on this transformative journey. Let us work hand in hand, leveraging our collective knowledge, expertise, and resources to build a sustainable and prosperous future within the kingdom as sister islands. With your support, active participation and the concrete commitments that we make here, finalized in the MoU, I am confident that we will succeed.





10 obhetonan cu ta conta e historia di Aruba y Corsow

MINISTER XIOMARA MADURO IMPRESIONA CU E PROYECTO DI '20 OBJETOS: UNA HISTORIA DE ARUBA Y CURAZAO'

Un exposicion cu ta haci un reflexion entre pasado y presente

Recientemente, Minister di Cultura tabata invitado special na e exposicion '20 Objetos: Una historia de Aruba y Curazao', caminda cu pa Aruba 10 obheto a wordo exponi na Bogota, Colombia. E meta di e proyecto aki ta pa cuminsa cu e combersacion di historia di ambos Pais, cuminsando di abou bay ariba.

OBHETONAN EXPONI

E 10 obhetonan cu a ser exponi pa Aruba ta conta e storia di nos Pais. Pa cuminsa, e Violin di Mo Tito cu e tabata usa pa toca den grupo di musica folklorico 'Conhunto Folklorico Arubano'. Tambe, e Staf Indjan cu ta conta di nos antepasadonan indjan cu tin un importancia intercultural. E Carta pa Gezaghebber cu ta conta e storia di sclavitud na Aruba. Otro obheto cu tambe a ser exponi ta un Teblachi Spiel, representando con e ser femenino aki na Aruba tabata biba y ta muestra e feminidad cu tabata tin den e temporada di Lago cu a trece prosperidad economico y cu a influencia e idealnan di beyesa riba nos isla.


Un Holoshi di Boto tambe a forma parti di e exhibicion aki contando e storia di con den añanan 60 y 70, Aruba tabata un di e exportadornan di koffie mas grandi na mundo e tempo ey. Un obheto tambe cu sigur no tabata falta tabata un Boter di Bols, cu ta simbolisa e importancia di Latino America pa e Hulandesnan pa e materia prima y oportunidadnan comercial. Lele, un palo di hala funchi, tambe a keda exhibi pa asina muestra e tradicion culinario di nos pais. Otro obheto tabata e Abacus, cu temponan aya tabata wordo usa pa haci calculo ora cu tabata haci negoshi. Un casuela tambe a keda exhibi cu antes tabata wordo usa pa traha pan bati cu ta un plato tipico di nos Pais. Finalmente, e Carnival Head Piece no tabata por a falta, dunando honor na e celebracion mas grandi di e cultura di nos Pais.



Minister Maduro ta gradici Embahador di Reino Hulandes na Colombia pa e invitacion y ta felicita Joeri Oltheten cu ta e curator y ta lidera e proyecto aki, Renwick Heronimo cu ta e curator di Aruba, Prins Bernhard Cultuurfonds y tambe Fundacion Museo Arubano pa un exposicion exitoso cu a duna honor na locual cu ta di nos.



POTRETNAN DI E PROJECTO
'20 OBJETOS





52 CIUDADANO A COMPLETA E CURSO "FINANSAS DEN MI HOGAR"




Interes tabata grandi pa e di tres edicion di Finanzas Den Mi Hogar, e biaha aki na Oranjestad. Despues di 4 sesion cu a enfoca riba con pa maneha bo finanzas personal, e di tercer grupo di participante a ricibi nan certificado pa e curso Finanzas den mi Hogar. E proyecto Finanzas Den Mi Hogar a wordo organisa y financia door di Minister di Economia Minister Geoffrey Wever y desaroya y duna door di Fundacion Plan di Bida.

E siguiente distrito pa e curso Finanzas den mi Hogar lo ta Savaneta. Registracion ta completamente gratis, pero cupo ta limita. Pa mas informacion por tuma contacto cu Fundacion Plan di Bida na telefon 5688848 of email finansasdenmihogar@gmail.com

Un decision pa compra of spaar of ambos, tin un impacto riba bo cartera, awe y den futuro. Tur dia nos ta tuma decisionan cu ta afecta nos cartera. Awe bo por fia pa compra un wasmachine of realisa e biahe di bo soño pero cu e realidad cu tur luna y pa un periodo defini, un parti di bo budget ta bai pa paga e fianza. E debe ta pone un presion extra tur luna riba bo cartera. E situacion lo bira preocupante si bo gastonan ta mas hopi cu bo entrada. Un sondeo di Banco Central di Aruba "The Financial Wellbeing Household Survey 2021" ta indica cu na Aruba 3 for di 10 hogar ta gasta mas di nan entrada tur luna. E desaroyo preocupante aki ta muestra e necesidad di brinda mas informacion con pa maneha nos cartera mas consciente.

Finanzas den mi Hogar ta un curso di educacion financiero cu ta consisti di 4 sesion cu tema manera con pa spaar, kico



lo pasa ora no por paga debe mas, e importancia di tin meta den bida y kico ta e distincion entre luho y prioridad segun bo entrada. E curso lo wordo duna den tur distrito. E prome curso a tuma lugar Paradera, despues na San Nicolas y awor tabata e turno pa e tercer grupo di ciudadano ricibi nan certificado den distrito di Oranjestad.

Minister Geoffrey Wever ta gradici cada ciudadano cu nan participacion, un participacion cu sigur lo contribui na nan desaroyo y bienestar personal y ta gradici Fundacion Plan di Bida pa e manera excelente cu nan a duna e curso aki.

"E interes y participacion di nos ciudadanonan na e cursonan ta muestra cu educacion financiero ta importante y un necesidad y ta p'esey tambe mi maneho ta pa ofrece esaki gratis na tur participantenan y asina duna un apoyo grandi na nan desaroyo y desaroyo di nos comunidad y pais", segun minister Geoffrey Wever.



MINISTER ENDY CROES A REUNI CU SRA. INGE LA HAYE RIBA EXPANSION DI DE SCHAKEL



Diahuebs ultimo, Minister Endy Croes a reuni cu directora di De Schakel Sra. Inge La Haye y miembro di directiva Sr. Sudesh Manichand. De Schakel a haci peticion pa expansion di e scol. Esaki ta den plan di e scol pa basta tempo caba. Gobierno di Aruba mester tene na cuenta e condicionnan den Landspakket y e exigencia di CAFT pa corta primordialmente den “goederen en diensten”. Alabes ta trahando riba un plan van aanpak pa e 13 recomendacionnan di e Doorlichtingsrapport. Minister Endy Croes a pidi un poco mas espacio pa esaki.

A traves di Universidad di Aruba ta bay haci un estudio den e proximo lunanan pa trece dilanti e cantidad di alumnonan cu tin na Aruba y e cantidad di lokaal cu tin disponibel na Aruba actualmente den contexto. A base di e estudio aki, yega na un

conclusion si tin espacio pa por expande mas scol na Aruba. Den futuro cercano ora cu gobierno ricibi e rapport final por continua cu e discusionnan di posibel expansion di e scolnan. Tin varios peticion pa traha mas edificio di scol. Na e momento aki, gobierno no por a yega na un compromiso ainda.

Concluyendo, Minister Endy Croes a enfatisa cu e tabata un reunion interesante y ta gradici directora di De Schakel Sra. Inge La Haye pa tur conseho y tips hopi valioso riba e tematica di enseñansa en general. Minister Endy Croes a enfatisa cu Sra. La Haye tin un pasion enorme pa enseñansa y ta aplaudi esey. Hunto lo sigui traha di cerca cu tur schoolbestuur pa trece e miho solucionnan pa enseñansa di Aruba den su totalidad.

Minister Endy Croes:

DENTRO DI ALGUN LUNA STICHTING HUNTO TA COMPLETAMENTE CLA Y OPERACIONAL PA CUMINSA BRINDA SERVICIO NA ESNAN CU PROBLEMA DI SALUD MENTAL Y ADICCION

Diamars mainta, Minister Endy Croes conhuntamente cu coleganan Minister President Evelyn Wever-Croes, Minister Rocco Tjon, Parlamentario Sra. Darlaine Guedez-Erasmus, y ekipo di profesionalnan di e veld social a haci un bishita na e edificio nobo di Stichting Hunto na Dakota pa haya un bista di e trabou y avansenan. Manera ta conoci na luna di augustus di 2022, a pone e prome piedra pa e construccion. Den e edificio lo ubica Fundacion pa Maneho di Adiccion di Aruba (FMAA) y Sociaal Psychiatrische Dienst (SPD), pa asina alinia e procesonan mucho mas miho y eleva e calidad di cuidu cu ta brinda na comunidad di Aruba den cuadro di salud mental y adiccion. Ambos organisacion a mira e necesidad pa haci e cuidu cu cada un ta brinda mas accesibel y alabes enfoca riba e clientenan cu tin un “dubbele diagnostiek” cu atencion specifico pa mucha-, hoben- y adultonan. E vision ta pa percura cu e clientenan por rehabilita y reintegra den comunidad.

Minister Endy Croes a expresa di ta hopi contento di por a mira e avancenan y cu dentro di dos pa tres luna e edificio ta completamente cla y operacional. E edificio di Stichting Hunto ta situa memey di tres scol, caminda por duna asistencia desde mucha caba. Pa e vision aki, Minister Endy Croes ta felicita e Raad van Bestuur, directornan y tur esnan cu a bini hunto pa haci e proyecto aki un realidad. Palabra di felicitacion pa tur esnan den e veld cu ta traha incansablemente pa brinda ayudo na tur e personanan den comunidad cu tin un of otro problema di salud mental. Minister Endy Croes ta felicita colega Minister Rocco Tjon y ekipo cu ta trahando duro pa bin cu solucion pa problema di salud mental y adiccion na Aruba. Esaki sigur ta un bunita proyecto di Gabinete Wever – Croes II.



Minister Endy Croes:

MINISTERIO DI DEPORTE, GOBIERNO DI ARUBA HUNTO CU AVB, FIFA Y LOTTO PA DEPORTE LO INVERTI DEN POYECTO DEPORTIVO MULTIFUNCIONAL NA BUBALI

Dialuna atardi, den un esfera ameno Minister Endy Croes a reuni cu directiva di Fundacion Bubali Sport Complex (FBSC). Presente na e reunion tabata Sr. Victor Hoek, Sr. Ryan Figaroa y Sr. Gregory Fung A Fat. Directiva di FBSC a presenta y duna informacion actualisa na e Mandatario di Deporte di e masterplan pa desaroya e tereno di Bubali. E masterplan ta encera un veld di futbol, veld di softball y un mini veld di futbol. Fundacion Bubali Sport Complex a wordo funda dia 18 di december 2019. Meta principal di e FBSC ta e infraestructura di e tereno di Bubali pa construi, mantene y maneha e Facilidat Deportivo Social. Tambe, pa logra converti e tereno di Bubali den un compleho caminda por practica diferente tipo di deporte, concentrando riba futbol. Hunto cu e fundacion tin un comision grandi cu ta duna conseho riba diferente tereno. Un luga bunita, safe, caminda grandi y chikito por disfruta den famia. SV Bubali tin alrededor di 250 miembro for di mucha te adulto cu ta haci uzo di e club.

Despues di e pandemia, a parti e proyecto den diferente fase pa por sigui avansa. Fase 1A: a pone luznan LED, ainda falta algun detaye pa termina e fase aki. Fase 1B: lo bira e veld di futbol, turf y heki rond y fase 1C: tribuna. Directiva di FBSC tabata desea di haya claridad di kico por ta e rol di Gobierno di Aruba of Lotto pa Deporte pa nan por haya nan aporte pa proyecto aki. Minister Endy Croes a indica cu siman pasa representante di FIFA tabata na Aruba pa un "site inspection"




di e stadion na Dakota. FIFA por a mira cu Gobierno di Aruba ta comprometi pa drecha e stadion di cual cu FIFA lo cuminsa aloca fondonan pa Arubaanse Voetbal Bond (AVB). A traves di AVB, FBSC lo haya placa pa inversionnan substancial pa proyecto e.o. veld di yerba y tribuna cual ta primordial den e momentonan aki. Minister Endy Croes a compromete cu di parti di Ministerio di Deporte y Gobierno di Aruba den colaboracion cu AVB, FIFA y Lotto pa Deporte lo percura pa nan por logra e soño aki. Concluyendo, Minister Endy Croes a indica cu e tabata un bon reunion. Sigur e ta un aporte hopi positivo pa e vision cu Minister Endy Croes tin di engrandecé deporte door di crea infraestructura pa asina brinda e hobennan e oportunidad pa practica deporte y kita nan for di caya.

BUREAU RAMPENBESTRIJDING ARUBA (BRA) TA ANUNCIA PRONOSTICO PA TEMPORADA DI HORCAN

Mirando cu temporada di horcan ta acercando, Bureau Rampenbestrijding Aruba (BRA) ta anuncia pronostico pa loke ta temporada di horcan 2023. BRA ta indica di por spera 12 pa 17 tormenta den e zona di Atlantico cu posibilidad di entre 5 pa 9 horcan. Di e cantidad aki ta premira un posibilidad di 1 pa 4 horcan cu lo ta den e categoria di 3-5.

E nombrenan di e horcannan pa temporada 2023 ta Ariene, Bret, Cindy, Don, Emily, Franklin, Gert, Harold, Idalia, Jose, Katia, Lee, Margit, Nigel, Ophelia, Phillipe, Rina, Sean, Tammy, Vince y Whitney.

BRA ta pidi comunidad di Aruba pa sea alerta durante e temporada aki y cuminsa prepara trempan. Pa mas informacion por subi e pagina di Facebook di Bureau Rampenbestrijding Aruba.





CONFERENCIA DI PRENSA HUBENIL

EDICION #2



Bo kier ta un Periodista pa un dia?

y haci bo pregunta na Minister President personalmente?

Si esaki ta algo cu bo ta haya great, skirbi aki bou cua ta e 3 preguntanan cu ABO lo kier puntra sra. Evelyn Wever-Croes



1



2



3

Durante luna di juni, cada diabierna 4 mucha lo wordo invita na Bestuurskantoor pa por haci nan preguntanan na Prome Minister. Cada siman, un periodista lo papia cu e muchanan tocante e trabou di periodismo. Dia 7 di juli lo trece tur e 20 muchanan hunto pa e ultimo conferencia di prensa hubenil, edicion #2.



Scol:

Klas:

Number:

Edad:

Registra na e link: <https://forms.office.com/r/kXrNkVcebg>



CONFERENCIA DI PRENSA HUBENIL

EDICION #2



Bo kier ta un Periodista
pa un dia?

y haci bo pregunta
na Minister President
personalmente?

Si esaki ta algo cu bo ta haya great,
scan e QR code of bay na e link y Registra.

<https://forms.office.com/r/kXrNkVcebg>



Skirbi cua ta e
3 preguntanan cu ABO
lo kier puntra
sra. Evelyn Wever-Croes

Durante luna di juni, cada diabierna 4 mucha lo wordo invita na Bestuurskantoor pa por haci nan preguntanan na Prome Minister. Cada siman, un periodista lo papia cu e muchanan tocante e trabou di periodismo. Dia 7 di juli lo trece tur e 20 muchanan hunto pa e ultimo conferencia di prensa hubenil, edicion #2.



Desaroyo y progreso di un pais ta mas
sostinibel, fuerte y lihe ora cu cada
ciudadano di e pais uni den esfuersonan
y contribui cu positivismo na e vision
pa logra cosnan grandi pa futuro.

2023 AÑA DI UNION Y POSITIVISMO! _____